



A escola Arco Iris de Senegal será a beneficiaria do dinheiro recadado.

## 2439 HORAS NA BIBLIOTECA CONVÉRTENSE EN 2439 EUROS SOLIDARIOS

DUVI OURENSE 05/12/2018

2439 horas de estudo que se convierten en euros para unha causa solidaria, concretamente para a construción de aulas na escola Arco Iris de Saly Velingara, en Senegal. Este é o balance da participación do campus de Ourense na Olimpiada Solidaria de Estudo, que este mércores pechou a súa edición de 2018. [+info.](#)



Un intre da lectura do manifesto este mediodía na praza do Rei.

## UNIVERSIDADE E CONCELLO SUMAN AS SÚAS VOCES PARA POÑER EN VALOR E HOMENAXEAR O LABOR DAS PERSOAS VOLUNTARIAS

DUVI 05/12/2018

O director da Área de Responsabilidade Social e Cooperación da Universidade de Vigo, Xosé Mahou, e o concelleiro da Área de Emprego, Economía, Industria, Voluntariado e Relaciones cos Sindicatos do Concello de Vigo, Santos Héctor Rodríguez, foron os encargados de dar lectura este mediodía ao manifesto de ambas as dúas institucións co gallo do Día Internacional do Voluntariado. Nun acto celebrado na praza do Rei, Mahou e Santos Héctor, agradeceron a implicación e dispoñibilidade das persoas voluntarias en diferentes espazos e actividades. [+info.](#)



## DEZ SEMANAS EN AMÉRICA LATINA PARA DESENVOLVER PROXECTOS QUE IMPLIQUEN MELLORAS REAIS

DUVI PONTEVEDRA 07/12/2018

Entre os meses de marzo e maio de 2019, equipos integrados por estudantes de diferentes titulacións de 15 institucións académicas de España, Portugal, Finlandia, Brasil, Chile e Uruguai reuniranse na cidade brasileira de São Luís e en Montevideo para desenvolver, en equipos interdisciplinares, unha serie de proxectos que promovan melloras reais para as comunidades destas zonas. Proxectos relacionados coa mellora do índice do desenvolvemento humano no estado brasileiro de Maranhão, no primeiro caso, e no coas condicións de vida da infancia, no segundo. [+info.](#)



Os premios Egeria recoñecen os mellores traballos fin de grao e de mestrado con perspectiva de xénero.

## DE ÁNGELES ALVARIÑO A MANANE RODRÍGUEZ, DA VIOLENCIA MACHISTA AOS ESTEREOTIPOS NA ELECCIÓN DOS ESTUDOS

DUVI 07/12/2018

Os Premios Egeria chegan á súa quinta edición premiando os seis mellores traballos que apostan pola inclusión da perspectiva de xénero. En total, son tres proxectos fin de mestrado e tres de grao que abordan a igualdade dende diferentes prismas. Unha vez máis, as mulleres son maioría entre os galardoados, cinco mozas e un mozo e as temáticas abordan dende os estereotipos de xénero na elección dos estudos, ata a atención ás mulleres vítimas de violencia machista ou a presenza da muller na ciencia, na arte urbana ou no cinema. [+info.](#)

2



## 16 MONITORAS E MONITORES PARA O DÉCIMO SEXTO MARATÓN SOLIDARIO DE ZUMBA

DUVI PONTEVEDRA 10/12/2018

Un ano máis, a solidariedade marca as datas previas ao Nadal no Pavillón Universitario, que o vindeiro xoves 20 de decembro acolle a edición número 16 do Maratón Solidario de Zumba, un evento e dirixido a reunir alimentos cos que contribuír ao labor social que realiza en Pontevedra o comedor dos Pais Franciscanos. Un evento aberto a toda a cidadanía, á que se solicita que achegue a estas instalacións un quilo de alimentos non perecedeiros como o único requisito para participar. [+info.](#)



Foto de familia das e dos voluntarios coas autoridades que participaron na inauguración do curso.

## VOLUNTARIADO UNIVERSITARIO PARA PROMOVER A EDUCACIÓN DOS DEREITOS HUMANOS EN COLEXIOS DE TODA A PROVINCIA

D. BESADÍO DUVI 10/12/2018

Son máis de vinte. Cada un/unha ten os seu propios gustos e intereses, estudan en diferentes escolas e facultades do campus, pero todos e todas queren ser voluntarios e voluntarias, deixar de ser meros oíntes e converterse en verdadeiros actores do cambio nas súas respectivas comunidades. Este luns, coincidindo coa celebración do Día dos Dereitos humanos e do 70 aniversario da aprobación da Declaración Universal dos Dereitos Humanos, arrancou no campus de Vigo o curso *Xoves para xoves*. [+info.](#)



## O PAVILLÓN DE DEPORTES ACOLLERÁ UNHA MASTER CLASS SOLIDARIA DE ZUMBA

DUVI OURENSE 11/12/2018

A Área de Benestar, Saúde e Deporte do campus de Ourense e AQA Ourense organizan o xoves 13 de decembro unha Master Class Solidaria de Zumba. As persoas que desexen participar, sexan ou non membros da comunidade universitaria, só teñen que traer un xoguete ou un quilo de alimentos. A cita, aberta a todas as persoas interesadas, será no Pavillón de Deportes do campus de 20.00 a 21.00 h. [+info.](#)

3



Encarnación González, primeira pola esquerda, acompañada por un alumno, o decano e a secretaria de centro.

## RECOLLIDA SOLIDARIA DE ALIMENTOS EN CC ECONÓMICAS E EMPRESARIAIS

DUVI 11/12/2018

A Facultade de Ciencias Económicas e Empresariais sumouse este ano á campaña do Banco de Alimentos de Vigo para a tradicional recollida de alimentos non perecedoiros. A iniciativa foi proposta ao novo decanato pola profesora Encarnación González Vázquez, catedrática da área de Marketing e Investigación de Mercados. “A nós pareceunos unha idea magnífica e, ao instante, puxémonos mans á obra para poder sacala adiante, xa que consideramos fundamental calquera colaboración solidaria que poidamos levar a cabo”, explica o decano, Jorge Falagán. [+info.](#)



Foto de familia da delegación caboverdiana con representantes da Universidade de Vigo.

## PERSOAL TÉCNICO DE ENTIDADES CABOVERDIANAS FÓRMASE EN VIGO EN EMPRENDEMENTO MARIÑO

DUVI 11/12/2018

Ata o vindeiro venres oito técnicas e técnicos de entidades de Cabo Verde formaranse no campus de Vigo, ao abeiro do proxecto Emprender en azul, en procesos de emprendemento mariño, co obxectivo de que poidan aplicar este coñecemento ás actividades que están a desenvolver no seu país de orixe. A Universidade de Vigo, a través da Cátedra Unesco en Desenvolvemento Sostible-Campus do Mar, coordina coa Universidade de Cabo Verde, o Instituto Nacional de Desenvolvemento das Pescas e Proempresa, o organismo de promoción do desenvolvemento empresarial no país africano, o proxecto Emprender en azul, financiado pola Xunta de Galicia, a través de Cooperación Galega. [+info.](#)



Equipo dos Martes Saudables na última sesión deste cuadrimestre.

## OS MARTES SAUDABLES DESPÍDENSE ATA O VINDEIRO CUADRIMESTRE FACENDO FINCAPÉ NO COIDADADO INTEGRAL DA SAÚDE

ROSA TEDÍN DUVI OURENSE 11/12/2018

Desde o pasado 16 de outubro os postos dos Martes Saudables, iniciativa destinada a fomentar a saúde integral da comunidade universitaria, percorreron os tres campus da Universidade de Vigo. Este martes, a Biblioteca Rosalía de Castro do campus de Ourense acolleu a súa oitava e última sesión deste cuadrimestre facendo un balance moi positivo do estado de saúde desta actividade da Área de Benestar, Saúde e Deporte. [+info.](#)



Punto de recollida na residencia universitaria.

## A UNIVERSIDADE SÚMASE, POR QUINTO ANO CONSECUTIVO, Á CAMPAÑA 'CADA NIÑO, UN JUGUETE'

DUVI 12/12/2018

A Universidade de Vigo súmase, por quinto ano consecutivo, á campaña *Cada niño, un juguete* coordinada por Carlos Leiro, vicepresidente da Asociación Stop de Vigo e grazas á cal o ano pasado se recolleron na cidade de Vigo 4000 xoguetes, arredor de 300 doados por membros da comunidade universitaria. [+info.](#)




Hórreo de Carnota durante a visita a monte Louro, Muros e Castro de Baroña.

## ALUMNAS E ALUMNOS DE INTERCAMBIO APRENDEN LINGUA E CULTURA GALEGAS NO CAMPUS

DUVI 12/12/2018

Estudantes de distintas partes do mundo aprenden lingua e cultura galegas na Universidade de Vigo mediante o curso de Extensión Cultural para alumnado estranxeiro que organiza a Área de Normalización Lingüística. O curso, que tivo lugar na Facultade de Filoloxía e Tradución, contou con alumnado procedente de diversos puntos da xeografía mundial. Así, o groso do estudantado estaba composto por alemáns, mentres que o resto procedía de Polonia, Inglaterra, Arxentina, Eslovaquia, México, Finlandia, Portugal e Ucraína. [+info.](#)





Facilitará a mobilidade internacional de estudantes entre ambas institucións.

## AS UNIVERSIDADES DE VIGO E HO CHI MINH CITY ASINAN UN CONVENIO DE DOBLE TITULACIÓN PARA O MESTRADO EN CIBERSEGURIDADE

DUVI 12/12/2018

A Universidade de Vigo continúa coa súa aposta pola internacionalización, con Asia como un dos focos de interese prioritarios. O último paso dado nesta liña é a sinatura do primeiro convenio de dobre titulación cunha institución académica do continente asiático, en concreto para o Mestrado en Ciberseguridade. O acordo foi asinado recentemente polo director da Escola de Enxeñaría de Telecomunicación, Íñigo Cuiñas, na cidade vietnamita de Ho Chi Minh, con representantes da universidade local no marco dunha xuntanza co proxecto Erasmus+ LMPI [+info.](#)



Os delegados da CIUG presentaron estas novidades no CRE da ONCE.

## AS PERSOAS CON DISCAPACIDADE DISPORÁN DE RESERVA DE PRAZAS NA SEGUNDA CONVOCATORIA DA ABAU

DUVI PONTEVEDRA 14/12/2018

As persoas con discapacidade disporán desde este curso de reserva de prazas nas titulacións do Sistema Universitario Galego na segunda convocatoria das probas de acceso á Universidade, a ABAU, á vez que disporán tamén de reserva de prazas nos dobres graos que se imparten nas tres universidades. Así o anunciaron este venres os delegados na [Comisión Interuniversitaria de Galicia \(CIUG\)](#). [+info.](#)



Battino xunto co reitor, a vicerreitora de investigación, o exvicerreitor de Relacións Internacionais e o seu equipo de investigación.

## MAURIZIO BATTINO ACEPTA O DESAFÍO DE DESENVOLVER UN GRUPO DE INVESTIGACIÓN INTERNACIONAL E COMPETITIVO

M<sup>a</sup> DEL CARMEN ECHEVARRÍA / M.DEL RÍO DUVI 17/12/2018

Seriedade, confianza co reitor e un proxecto que paga a pena. Estes son segundo Maurizio Battino os motivos polos que se decidiu a aceptar a oferta da Universidade de Vigo, rexeitando a formulada por outras dúas institucións españolas, para “afianzar e construír un grupo de investigación cada vez máis forte. Gústame o desafío e esa é a principal razón pola que acepto esta proposta”, asegurou este mediodía o bioquímico alimentario na súa presentación ante os medios, un acto no que estivo acompañado polo reitor e a vicerreitora de Investigación da Universidade de Vigo e por varios integrantes do seu equipo científico. [+info.](#)



Julio Abalde, Carla Reyes, Susana López Abella, Antonio López e Manuel Reigosa tras a sinatura do acordo.

## TALENTO FEMININO E UNIVERSITARIO EN 'REFERENTES GALEGAS'

DUVI 17/12/2018

A Universidade de Vigo, xunto coas outras dúas universidades públicas galegas, colaborará coa Asociación Executivas de Galicia no desenvolvemento do proxecto Referentes Galegas, o primeiro directorio que se crea en Galicia co obxectivo de reunir ao menos a 500 mulleres profesionais destacadas e líderes en todos os ámbitos da sociedade galega. A iniciativa presentouse este luns na Cidade da Cultura e, previamente á súa presentación pública, tivo lugar na sede da ACSUG a sinatura do acordo que facilitará esta colaboración, un acto no que se contou coa participación dos tres reitores. [+info.](#)



Javier Rial, na cuarta fila na xuntanza.

## OS ROTEIROS CULTURAIS E OS MARTES SAUDABLES, NUNHA GUÍA EUROPEA DE BOAS PRÁCTICAS PARA A VIDA ACTIVA

M. DEL RÍO DUVI 18/12/2018

Non se trata necesariamente de practicar deporte de xeito intenso, senón de adoptar actitudes e hábitos saudables no día a día, que persistan no tempo e que se adapten ao modo de vida e as capacidades de cada quen. Esta é a filosofía do proxecto Active Campus Europe, que tras dous anos de traballo coordinado entre 16 universidades de sete países europeos, afronta a súa recta final. [+info.](#)



Julio Abalde, Alfredo Ramos, Manuel Reigosa e Íñigo Cuiñas na sede de R na Coruña onde se asinou o acordo.

## AS UNIVERSIDADES DE VIGO E CORUÑA ALÍANSE COA OPERADORA GALEGA R PARA CREAR UNHA CÁTEDRA INTERUNIVERSITARIA EN CIBERSEGURIDADE

DUVI 18/12/2018

Promover o desenvolvemento cultural, científico e tecnolóxico sobre a seguridade informática e procurarlle unha aplicación práctica na sociedade galega. Este é o grande obxectivo co que as universidades de Vigo e A Coruña e a operadora galega R lanzan a Cátedra R en Ciberseguridade, a primeira interuniversitaria existente en Galicia. [+info.](#)

Decembro 2018.



Julio Abalde, Alfredo Ramos, Manuel Reigosa e Íñigo Cuiñas na sede de R na Coruña onde se asinou o acordo.

## AS UNIVERSIDADES DE VIGO E CORUÑA ALÍANSE COA OPERADORA GALEGA R PARA CREAR UNHA CÁTEDRA INTERUNIVERSITARIA EN CIBERSEGURIDADE

DUVI 18/12/2018

Promover o desenvolvemento cultural, científico e tecnolóxico sobre a seguridade informática e procurarlle unha aplicación práctica na sociedade galega. Este é o grande obxectivo co que as universidades de Vigo e A Coruña e a operadora galega R lanzan a Cátedra R en Ciberseguridade, a primeira interuniversitaria existente en Galicia. [+info.](#)



## ESTE NADAL, CONSUMO CON SENTIDIÑO

DUVI 19/12/2018

Nestas datas gástase máis en todos os ámbitos da vida diaria e, por tanto, aumenta o impacto ambiental do consumo. Neste senso, todas as persoas son responsables das súas prácticas e dos impactos que estas teñen na sociedade e no medio ambiente. Por iso, a Vicerreitoría de Responsabilidade Social, Internacionalización e Cooperación elaborou un [decálogo](#) de consellos que tenta sensibilizar á comunidade universitaria sobre pautas para un Nadal sostible. [+info.](#)



Os investigadores participantes na reunión da FAO..

## UNHA REUNIÓN DA FAO ANALIZA ATA HOXE EN VIGO A IMPLANTACIÓN DE ISHARKFIN EN PAÍSES EMERXENTES

M<sup>a</sup> DEL CARMEN ECHEVARRÍA DUVI 19/12/2018

A creación dun protocolo de implantación do programa [iSharkFin](#) en países emerxentes centra a reunión que ata hoxe celebra a FAO (Food and Agriculture Organization of the United Nations) en Vigo e na que participan unha vintena de investigadoras e investigadores procedentes de Australia, Ecuador, Emiratos Árabes, Indonesia, Irán, Italia, Malaisia, Nixeria, Paquistán, Sri Lanka e Taiwán. [+info.](#)



Tania Gándara, Iria Junco, Sonia Leiro, Iria Liñares e Ana Mella.

## TRABALLOS QUE SAEN DAS AULAS PARA CONTRIBUÍR Á VISIBILIZACIÓN DA MULLER

DUVI OURENSE 20/12/2018

Tania Gándara, Iria Junco, Sonia Leiro, Iria Liñares e Ana Mella e outras compañeiras e compañeiros da materia de Xénero e Educación Social do Grao de Educación Social elaboraron este cuadrimestre diferentes traballos feministas. Co desexo de visibilizar ese esforzo e contribuír con el á loita pola igualdade, levan agora as súas iniciativas, unha exposición sobre a menstruación e unha obra de teatro sobre as primeiras sufraxistas, fóra das aulas. [+info.](#)



O evento congregou a máis de 150 persoas..


## O XVI MARATÓN SOLIDARIO DE ZUMBA REÚNE MÁIS DE 350 QUILOS DE ALIMENTOS

DUVI PONTEVEDRA 21/12/2018

Como un “grande éxito” cualificaba o técnico da Área de Benestar, Saúde e Deportes no campus, Gustavo Loureiro, a décimo sexta edición do Maratón Solidario de Zumba que, nas datas previas ao Nadal, este servizo e a Vicerreitoría do campus organizan cada ano co propósito de contribuír ao labor social que desenvolven no comedor dos Pais Franciscanos en Pontevedra. [+info.](#)

## Obradoiros de extensión universitaria

2º Cuadrimestre 2018/2019



## Outros universos!

MATRÍCULA ABERTA ATA CUBRIR PRAZAS  
NOVOS OBRADOIROS DE EXTENSIÓN UNIVERSITARIA  
DESTINADOS Á CIDADANÍA EN XERAL E UNIVERSITARIOS/AS  
INFORMACIÓN E PROGRAMAS: [www.campusontevedra.uvigo.es](http://www.campusontevedra.uvigo.es)  
INSCRIPCIÓN E MATRÍCULA: [www.culturarest.uvigo.es](http://www.culturarest.uvigo.es)

Área de Servizo á Comunidade  
Escuela de Extensión Universitaria  
Campus A Raxoi  
T +34 986 882 224

Campus do Campus  
Rúa Oros Filiberto 11  
36002 Pontevedra, España  
T +34 986 882 280

Vicerreitoría do  
Campus de Pontevedra  
Universidade de Vigo

## DEZ OBRADOIROS PARA AMPLIAR A FORMACIÓN DE ALUMNADO E CIDADANÍA NO SEGUNDO CUADRIMESTRE

DUVI PONTEVEDRA 21/12/2018

As relacións entre videoxogos e literatura, lingua de signos, escalada, preparación de exposicións en público, creación de páxinas web, programación de microcontroladores, impresión en 3D, o uso do *coaching* na docencia, as técnicas reprográficas e os procesos creativos baseados no corpo e no movemento. Estas son as dez temáticas nas que tanto a comunidade universitaria como o conxunto da cidadanía poderá afondar no segundo cuadrimestre da man dos obradoiros de Extensión Universitaria promovidos pola Vicerreitoría do campus. [+info.](#)



---

## UNIVERSIDADE DE VIGO

### **Unidade de Análisis e Programas.**

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640